

**TOM NEWBY SCHOOL EXAMINATION**

Vak	Afrikaans – Vraestel 2	Eksaminatrise	Mej Meyer
Datum	7 Junie 2018	Totaal	40 punte
Sessie	2	Tyd	1 uur
Graad	6	Moderator	Mev Pienaar
Spesiale Instruksies	<ul style="list-style-type: none">• Lees al jou vrae goed deur.• Moenie enige spasies oop los nie.• Gebruik jou tyd goed.• Skryf netjies en leesbaar.• Die toets bestaan uit twee afdelings• Afdeling A is leesbegrip. (25)• Afdeling B is Taalleer. (15)		

Hierdie Afrikaanse eksamen is aangevul met aantekeninge en inligting in die Tom Newby Skool Afrikaanse boek. Die nasien, memorandum is dienooreenkomstig opgestel. Terwyl alternatiewe antwoorde ontvang word, sal die amptelike memorandum as 'n prioriteitsdokument beskou word om eenvormigheid van nasien te verseker.

Naam: _____ **Graad: 6** _____

AFDELING A: LEESBEGRIP**(25)**

Lees die storie, “**Maak oop die boks**”, en beantwoord dan die vrae. Gebruik die woordelys om te help.

Verwonderend	Amazement
Versigtig	Carefully
Haastig	In a rush
Beskikbaar	Available
Verspot	Silly
Vryf	Rub
Wense	Wishes

Maak oop die boks

Hy was besig om tussen die rakke rond te dwaal, en verwonderend na al die goed te kyk, toe hy skielik 'n stem hoor.

“Verskoon my jong man. Ek wonder of jy my kan help? Ek is hier, bo-op die rak, agter teen die muur, langs die kerse.”

Hy kyk op na die rak en daar tussen die kerse en 'n boek, is 'n ou hout boksie. Versigtig haal hy dit af, skud die boksie saggies en vra “Is daar iemand in die boks?”

“Ja daar is, en die iemand sal bly wees as jy hom ophou skud.”

“Jammer, maar ek het nog nooit 'n boks gesien met iemand in nie, wat maak jy daarbinne?”

“Dis 'n lang storie, maar ek is 'n Genie.”

“'n Genie? Ek dog hulle bly net in lampe?”

“Gewoonlik doen ons, maar die persoon wat my hier ingesit het was haastig en 'n lamp was nie beskikbaar nie, so asseblief vryf die boks en laat my uit”

“Okay, maar ek moet eers my ma vra of ek kan.”

“Ma kan ek die boksie vryf? Daar is 'n Genie in en hy sê ek kan drie wense kry.”

“Moenie verspot wees nie, Alladin, daar is nie iets soos 'n Genie nie. Hoeveel keer het ek al vir jou gesê om nie aan goed te vat in die winkel nie! So sit die boksie neer voor jy dit breek en kom dat ons kan ry.”

Woorde: 225

Adapted from www.quora.com

1. Wat is die **titel** van die storie? (1)

2. Waar vind die storie plaas? (1)

3. Wie is die twee **hoofkarakters** in die storie? (1)

4. Vind 'n **woord** in die storie wat vir ons sê dat die persoon vinnig die Genie in die boksie gesit het. (1)

5. Hoekom het Alladin die boksie van die rak afgehaal? (1)

6. Hoekom het hy die boksie 'versigtig afgehaal'? (1)

7. Wie was in die boksie? (1)

8. Waar het die boksie gestaan op die rak? (1)

9. Verduidelik in jou eie woorde hoe die Genie in die boks gekom het? (1)

10. Hoekom wou die Genie hê dat Alladin die boksie moet vryf? (1)

11. Alladin wil eers sy ma vra voor hy die boksie vryf, wat sê dit vir ons van hom? (omkring die regte opsie). (1)

- a. stout
- b. versigtig
- c. eiewys

12. Wat beteken die **frase** "moenie verspot wees nie"? (1)

13. Wat dink jy sou gebeur het as Alladin die boksie gevryf het? Hoekom? (1)

14. Dink jy dit is 'n ware storie? Verduidelik jou antwoord. (2)

15. Wat sou jy doen as jy die boksie gekry het? (1)

16. Dink jy dit was verkeerd van Alladin om die boksie af te haal van die rak af?
Verduidelik jou antwoord. (2)

17. Watter deel van die storie het jy die meeste geniet? Verduidelik hoekom jy so voel. (2)

18. Alladin het die boksie terug gesit sonder om die Genie te laat uitkom, hoe dink jy voel die Genie daaroor? (1)

19. Wat sal jy doen as jy 'n Genie in 'n boksie kry, waarvoor sal jy wens? (2)

20. Die Genie is al vir baie jare in die boksie. Hoe dink jy voel die Genie? (2)

TOTAAL: 25

AFDELING B: TAALWERK**(15)****TAALKONSTRUKSIES EN KONVENSIES**

1. Onderstreep die **werkwoord** in die volgende sin. (1)

Hy was besig om na al die goed te kyk.

2. Die **byvoeglike naamwoord** in die volgende sin is _____? **Omkring** die regte antwoord. (1)

Dit was 'n ou boksie.

- a. boksie
- b. dit
- c. ou
- d. was

3. Gee 'n **antoniem** vir hartseer. _____ (1)

4. Gee 'n **sinoniem** vir 'n lig. _____ (1)

5. Voltooi die tabel. (2)

Woord	Meervoud	Verkleining
Rak		

6. Skryf die volgende sin in **verlede tyd**. (1)

Hy haal die boksie van die rak af.

7. Skryf die volgende sin oor in die **toekomstige tyd**. (1)

Hy loop tussen die rakke rond.

8. Vul in 'n korrekte **lidwoord** in die volgende sin. (1)

"... maar _____ persoon wat my hier ingesit het was haastig."

9. Sê watse **tipe sin** die volgende sin is. Onderstreep die regte antwoord tussen hakkies. (1)

Is daar iemand daar binne? (vraagsin, stelsin, uitroepsin)

10. Sê watter tipe **voornaamwoord** in die volgende sin gebruik is. Gebruik die woorde in die blok om jou te help. (1)

Hierdie boksie het 'n Genie in. _____

Persoonlike voornaamwoord	Besitlike voornaamwoord
Aanwysende voornaamwoord	Onpersoonlike voornaamwoord

11. Pas kolom A by kolom B. Pas die regte betekenis by die korrekte idioom. Skryf slegs die korrekte letter neer. (2)

Betekenis	Idioom
1. speel oop kaart met iemand	a. om versigtig te wees
2. katvoet loop	b. om bietjie te slaap
	c. om eerlik te wees met iemand

1. _____ 2. _____

12. Maak 'n **samestelling** met die volgende woorde. (1)

Boek + rak _____

13. Een van die woorde in die volgende sin is verkeerd gespél. Skryf die sin oor en maak **die spelling** van die woord reg. (1)

Alladin sukkel om by die boksie uit te kom.

TOTAAL: 15